

新刊國朝二百家名賢文粹

新刊國朝一百家名賢文粹卷第一百四十五

註

圖籍記二

仁宗皇帝御書記

陵陽先生

士負學術而不爲世知者衆矣自孟軻荀況皆以大儒坐說時君猶樛樛然所合則由漢而下立乎人之本朝而欲人主虛心聽納豈不難哉故參知政事臣歐陽脩稱故翰林學士臣王洙以博學多識著名一時皇祐中侍講讀其言置置可聽仁宗皇帝說之詔以所疑無不能對以塗金龍水磨書詞林二大字以寵嘉之臣當竊歎以爲士繇文儒進用已爲幸矣况天子有以寵嘉之乎而頃年多故士大夫家賜書或不能保意王氏所藏亦不復可見矣紹興三年客居臨川洙孫楚老以詞林字示臣臣既駭心動容再拜仰視因得盡觀慶曆皇祐諸詔及飛白書則知歐陽脩所記尚頗軼遺也詔書一曰近有嫉漫言詞欲令

出外鄉宜周防又曰有刑政要切事奏來其它密問而優札者
甚衆昔惟德輿見唐文皇賜李衛公詔泣下曰君臣之際若是
乎夫衛公以勲業位將相爲時君所厚宜矣今殊特以書生致
位侍從與大勲業於時非仁祖崇儒重道則安得此榮遇哉此
旣足以勸後世之爲人臣者矣且御札有曰正賞罰有曰辨朋
比斥譖佞有曰罪己爲民損躬執軍大哉王言可垂法於後世
非徒點畫之工爲世傳寶而已楚老欲刻諸石屬臣爲記臣備
貞而清實掌先朝謨訓其可固辭上方追懷仁祖之道以御天
下異時還定兩京開寶文閣必將求副本於楚老之室楚老尚
謹獻之

吳興郡學重繪三禮圖記

苕溪先生

國朝建隆中天下初定詔儒臣參裁典札而國子司業孫崇義
有以唐相張鎰等六家所撰稽其詳略是非摭爲一書是曰三
禮圖書成天子嘉之命國子園子宣聖殿後身之北軒其後懼其

地剝復易壁以板蓋已有意乎礼樂之教規漢宏遠矣然當是
時杜於故學上無繼繼且師道之廢實自前出未有條然興起
之者至明道景祐間溫陵胡公先生與泰山孫明復祖徠石守
道皆以所學教授弟子而先生之徒最盛其在吳興徙來郡學
常數百輩自是天下之人始知尊德而隆師士皆知仁義礼樂
之說爲足以誠身而格物其問學之成爲時顯用胡贊治首身
於嘉祐治乎之間者不可驟舉初郡等成先生乃以三礼儀物
黜其於古无考而益其未見者圖之講堂遵故事也於是入以
得窺三代文物之懿朝夕對之皆若素習閱歲既久有司不知
故事至加朽鏹學者痛心焉太守汝南公某以左史出奉祠尋
領是郡於其始至也見諸生於堂上而勞勉之入增飾黌宇披
以丹雘而掌李闕丑某而歸安丞胡君某披剔故壁得所謂三
礼儀物繪事故存公命易而新之恍如神明頓還舊觀郡之士
子周覽太息咸謂公之賜太公幸者將因是加焉焉異時嵩鳳

執至於朝廷之上討論故實裨補教化苟不愧於前人賜豈不
大哉公以開君之請貽書屬其爲之記且曰前太守秦公其初
有意於是會召去不果今余幸卒成之某於鄉校爲老諸生知
其事宜悉所不應辭若先生之行義出次陞官見於國史與墓
隧之文其與學精誠見於諸書者固多矣藏於家及士大夫
手抄皆秘不出竟索編次固有選遺便讀振以行於時則關君
力也關君嗜學若飢渴行已誨人以先哲爲師不苟時好嘗曰吾
先父學於先生敢有二事以於此致志去紹興十二年八月丙
子郡人劉某記

東孫位畫記

西山先生

蜀成都會佛老之宮間有唐吳道子遺跡矣畫者第其品有四曰能
妙神並蓋能不及妙妙不及神神不及送等以能妙者至數十
得神者趙公祐范叟二人稱逸者孫位一人位之於畫風超塵

起超忽無端筆未至而意已具初若縱橫放肆出乎繩約之外
或猶以天度則無不合殆有得於縱心不逾矩之理自陸探微
吳道子死王大令一筆書裴將軍劍舞張長史草書之法位獨
能知之嘗即成都昭覺寺作書木于壁高不盈丈森然有千章
千尺之勢与一方雄傑之觀者垂二百年宣和發寺或取以置
于泰定山中意欲託此峭嶇空寂之地而存也奈家東西二都
多見晉宋隋唐名筆於能妙神遊之論蓋陋其識之不廣如位
者使與前輩方駕並出未知其孰先後也豈止稱首於公祐等
耶世之衆史斷神竭慮十日一松五日一石氣象固已索然寧
復有畫哉能知此者可與論位矣位會稽人頗自貴重每蕭然
有出世間意負大名於長安全盛時晚入蜀避唐季之乱更名
遇表定別有古壁羅摩詰尤奇偉旁識以大順二年處士孫遇
亦位也余杜門空山無陶隱居軌軌其此好特表出之以俟衆
看年月日河南邵博中男父記

少皞氏官名記

東萊先生

少皞氏出震秉乾以有九有之師顧瞻在廷公卿大夫百辟庶
尹厥名未正不足以新天下之耳目裨心經緯是究是圖上天
報況若相贊合西錫鳳鳥之瑞以昭申無疆之符於是以鳥紀
官為鳥師鳥名以鳳皇氏為歷正箕司歷象之原易司徒司馬
司寇司空之職鵠鳩鵲鳩之屬易司分司至司啓司閉之職為
元鳥丹鳥之屬五鳩以鳩氏九鸞以鸞氏凡冕弁紳綬屨狄之
變一洗萬古而空之餘光下覃燕及來世千載之下郊子以金
天之裔昭明厥制昭公之世爰修時事誦言於廷品章條式周
密備具使人悅然再見五帝之世淳古庵鳩之風不遠咫尺雖
仲尼生知之聖猶以學在四夷從而問之卓哉煌煌真盛世之
不律也謹追經其命官之意而為之記曰自古聖人受天明命
必以非常之瑞紀之於官太皞氏以龍師而龍名炎帝氏以火
師而火名炎帝氏以雲師而雲名皆是物也少皞氏以鳥師而

美視前聖有光焉則蓋官名以俾天下改視易聽者端不可後
斯所以揭之於天改之元也觀其端拱穆清一正名而無官定
群公震肅奔走率職爲庶正者見鳳之翔則必經緯陰陽轍轡
三光而思與鳳齊焉爲五鵠者見鵠之翔則必遷延交集以鳩
其民而思與鳩齊焉爲燕而命圭垂衮綦小而抱閭擊枹見鳥
之翔則思已之職休惕惟厲中夜以興竊自性念鳥猶能協其
名而已則名浮於實焉可以人而不如鳥乎莫不澡心滌慮三
沐三漦聽于無聲視于無形不待規飭告戒而咸協于中誠少
皞氏之名官有以陰和而潛寧之也故其治配天地合太極參
元氣而無間本其原貫之以正名而已仲尼之所以不自聖而
下門者亦以是哉帝典既疏不能遠德乾符坤珍闕然弗嗣延紀
於民而命以民事其聞少皞之官名將辟易失席睦若乎其後
矣彼墨客數人不足以知帝者之編述謂豈有鳳皇池之稱其
以鳥紀官是復亦一少皞也是不終名者實之實必猶權衡之

均然後並行而不悖晉唐雖聞有是名而鳳皇不至在位也服
失職非本如楚人以鳥為鵠隋人以鳥為鸞者尚多有之雖竊
取鳥官之名亦何補於方分之一哉惟少皞氏有其瑞有其名
有其實冠歷百代而為之表皞皞乎不可尚已若夫官師之數
服采之人政制之歲月豈不著獨並其正名之旨以告享吉者
謹記

畫像記人物附

王彥章畫像記

六一居士

太師王公諱彥章字子明鄆州壽張人也事梁為宣義軍節度
使以身死國葬於鄆州之管城晉天福二年始贈太師公在梁
以智勇聞梁晉之爭數百戰其為勇將多矣而晉人獨畏彥
章自乾化後嘗與晉戰屢困莊宗於河上及梁末年小人趙崇
等因事梁之大臣老將多以譏不見信皆怒而有怠心而梁亦
盡失河北事勢已去諸將多懷顧望獨公奮然自必不少屈

解志雖不就卒死以忠公既死而梁亦亡矣悲夫五代終始
五十年而更十有三君五易國而八姓士之不幸而出乎其時
能不汚其身得全其節者鮮矣公本武人不知書其語質平生
常謂人曰豹死留皮人死留名蓋其義勇忠信出於天性而然
予於五代書切有善善惡惡之志至於公傳未嘗不感憤歎思
惜乎舊史殘略不能滿公之事康定元年予以鄴度判官來此
求於滑人得公之孫耆所錄家傳頗多於舊史其記德勝之戰
尤詳又言敬翔怒末帝不肯用公欲自經於帝前公因用笏畫
山川爲御史彈而見廢又言公五子其二同公死節此皆舊史
無之又云公在滑以讒自歸於京師而史云乃之是時梁兵盡
屬段凝京師羸兵不滿數千公得保塞五百人之鄆州以力寡
敗於中都而史云將五千人以往者亦皆非也公之攻德勝也
初受命於帝前以三日破敵梁之將相聞者皆切笑及破南城
果三日是時莊宗在魏聞公復用料公必速攻自魏馳馬來救

已不及矣莊宗之善料公之善出奇何其神哉今國家罷兵四十年一旦元昊反敗軍殺將連四五年而攻守之計至今未決予嘗獨持用奇取勝之議而歎邊將屢失其機時人聞子說者或笑以爲狂或忽若不聞雖予亦惑不能自信及讀公家傳至於德勝之捷乃知古之名將必出於奇然後能勝然非審於爲計者不能出奇奇在速速在果此天下偉男子之所爲非拘牽常筭之士可到也每讀其傳未嘗不想見其入後二年予復來通判州事歲之正月過俗所謂鐵槍守者又得公畫像而拜焉歲久磨滅隱隱可見亟命工完理之而不敢有加焉懼失其真也公善用槍當時號王鐵槍公死已百年至今俗猶以名其寺童兒牧豎皆知王鐵槍之爲良將也一槍之勇同時豈無而公獨不朽者豈其忠義之節使然歟畫已百餘年矣完之可復百年然公之不泯者不繫乎畫之存不存也而予尤區區如此考蓋其希慕之至焉爾讀其書尚想乎其人况得拜其畫像識

其面目不忍見其壞也畫既完因書予所得者于後而歸其入使藏之

載酒亭群公畫象記

范忠文公

子雲右蜀人事漢成哀平世歷新至身訕而道不得行子雲沒宋興八十九年上距今十餘歲其鄉人之老者森然若林之植于斲其在太平興國中有若諫議大夫田公錫之論議參知政事蘇公易簡之惇大雅熙淳化中有若直昭文館陳公充有史館朱公台符之文雅景德大中祥符中有若侍御史張公及之介繫集賢校理王公湜之溫恭職方員外張公逵之疏達其在今慶曆有若虞部員外李公叟之經術翰林李士彭公乘之恬退翰林李士孫公抃之厚重屯田員外陳君希亮右部員外梅君摯殿中御史何君郊之直方度支員外郭君輔屯田員外張君中庸之通敏直集賢院李君絢之夷曠是皆子雲之徒李其道而得其傳者益州提點刑獄度支高君旣尊子雲之居錄其

書又畫其象以及其徒意者使後來觀之知賢人之道有塞有通有詘有申塞於晦時而通於昭時詘於不用而申於有用云
滿大宋慶曆八年七月十日具位范鎮記

疏墨池建筆易堂吐鳳解嘲解難載酒四亭及玄畫象
實僧正惠悟師惣其事

通惠大師影堂記

太傅錢公

夫漢世高賢繪事功目之右晉朝名士寫形品石之中蓋道術之可尊故丹青而是顯故通惠大師字公應迹挺生惟幾將聖三乘四諦洞達於本源六經百氏深探乎妙域自攝衣於釋部已欽譽於邦人家主恢闡佛乘旌崇開士詢以環中之道待以方外之遊乃春香進俾為上首奉圖請吏奉國還朝神宗寤其高名訪諸儒林之義真皇翹勤有德降以師友之禮于時李徒辭席群賢願交靈運心伏於遠公商融議推於支遁既宣陽於鴻敷復繼領於法明而示滅以還絲祀寢久法嗣某等永慕茲

蔭追懷妙相爰作圖藻用模冰雪乃於大中祥符寺賢聖院建
影堂以安大師真像焉莫不南榮奕壇大厦鴻紛碧樹周阿金
繩界道珠函玉格密奉於薰燃甘醑珍香肅陳於宵晝烏乎光
靈未遠渥彩既章中含睟和外峻方格道安骨秀叔寶神清
挹止水之澄深望秋山而標峙酌焉不竭仰之彌高亦猶刻檀
像於諸天鑄金穴於百越宜有傳信用爲志記今年春盛上人
遠附郵置緘詞戎囑且以世舊之故見索荒退之文予昔在歸
巖嘗蒙真賞期邠舒於國器目管輅爲神童實由空名冒此
高位永惟忘年之執願締他生之緣豈敢牢辭而忍茲厚意至於
氏族之英茂節行之瑰奇學際於天人識窮於繫象文章之典
要著述之廣博則有王黃州之總集序邦上之之絳紗記此故
略而不書時天聖甲子歲七月十三日記

張益州畫像記

老泉先生

元年秋蜀人傳言有寇至邊軍夜呼野無居人妖言流聞京師

震鴻方命擇帥天子曰毋養亂毋助變衆言朋興朕志自定外
亂不作變且中起不可以文令又不可以武競惟朕一二大吏
孰爲能處茲文武之間其命往撫朕師乃惟曰張公其其人天
子曰然公以親辭不可遂行冬十一月至蜀至之日歸屯軍儼
守備使謂郡縣寇來在吾無爾勞若明年正月朔旦蜀人相慶
如他日遂以無事又明年正月相告留公像于淨衆寺公不能
禁冒陽蘇洵言於衆曰未亂易治也旣亂易治也有亂之萌無
亂之形是謂將亂將亂難治不可以有亂急亦不可以無亂弛
是惟元年之秋如器之欲未隊於地惟爾張公安坐於其旁顏
色不變徐起而正之旣正油然而退無矜容爲天子牧小民不
倦惟爾張公爾繫以生惟爾父母且公嘗爲我言民無常性惟
上所待人皆曰蜀人多變公是待之以待盜賊之意而繩之以
繩盜賊之法重足屏息之民而以磔斧令於是民始忍以其父
母妻子之所仰賴之身而弃之於盜賊故每每大亂夫約之以

禮舉之以法惟蜀人爲易至於急之而生變雖齊魯亦然吾
以齊魯待蜀人蜀亦自以齊魯之人待其身若夫肆意於法律之
外以威劫齊民吾不忍爲也嗚呼愛蜀人之深待蜀人之厚
自公而前吾不始見也昔拜稽首曰然蘇洵又曰公之思在
兩心爾死在蜀子孫其功業在史官無沙像爲也且公意不欲
如何皆曰公則何事於斯雖然於我心有不釋焉今夫平居聞
一善必問其人之姓名與鄉里之所在以至於其長短大小美
惡之狀甚者或詰其平王所嗜好以想見其爲人而史官亦書
之於其傳意使天下之人思之於心則存之於目存之於目故
其思之於心也固由此觀之像亦不爲無助蘇洵無以詰遂爲
之記公南京人爲人慷慨有節以度量雄天下天下有大事公
可屬系之以詩曰

夫子在祚歲在甲午西人傳言有寇在垣庭有武臣謀夫如雲
天子曰嘻命我張公公來自東旗蘇蘇舒舒西人聚觀于巷子

蓋謂公暨暨公來于于公謂西人安爾室家無敢或訛訛言不
祥往即爾常春爾條桑秋爾條場西人來觀公我父兄公在西
園草木駢駢公宴其僚伐鼓淵淵西人來觀祝公万年有女娟
娟閨闈閑閑有童哇哇亦既能言昔公未來期汝弄捐禾麻凡
芄倉庾崇崇嗟我婦子樂此歲豐公在朝廷天子股肱天子曰
歸公敢不承作堂嚴嚴有廡有庭公像在中朝服冠纓西人相
告無敢逸荒公歸京師公像在堂

白樂天畫像記

西山先生

景德詔書唐白樂天江州湓浦宅廬山草堂皆有畫像有司以
時繕治其勿廢又取東林樂天文集入秘閣兼別本校定襲以
瑞綺俾益謹其藏凡學士大夫至其地必就觀焉余南遊則湓
浦廬山果懷於兵火矣會東林更作樂天草堂其所繪像出庸
史之手殊不類余歎息而去既累年所往來于中不忘聞墓東
都普明寺樂天像因東林之人晉草堂中普明樂天履道坊故

宅也按樂天元和元年為左拾遺翰林學士為其集賢書院學士
三十七矣又五年降江州司馬又二十八年以太子賓客分司
東都又五年卒則景德所存樂天畫像當與集賢書院本相近
今云矣然樂天既老尚追思廬山其詩語中類多見之東林文
集亦分司時所送公置更初像於廬山宣堂庶幾樂天本趣云
年月日河南邵博記

老翁記

崔伯易學士

白雲子游於東郭步於汴水之濱有老翁衣策南來頽而謂曰
吾聞太上不有已而無樂其次不有物而無憂最下累於已而
役於物於是乎憂樂交戰吾嘗見子以為至矣乃今察子則未
也願時有憂色精神憔悴而形骸若槁戚戚然若斲師之將斲
意有所累歟抑亦有所役也白雲子仰天太息曰然余少治周
孔之道而竊慕乎孟軻荀卿之為人其達也非苟求也所以為
又其退也非曲全也所以為我無心於出處之致而優游乎予

奪得喪之間當爲是足以無加矣今也適有不兩立之事從吾
事親則非所以謀己徇吾謀已則非所以承親夫謀己不周爲
不智承親不至爲不仁二者無一可也而吾均是以權處之權
者非必反經也亦非必守經也權輕重而已矣仁重而智輕則
舍智而從仁仁輕而智重則舍仁而從智今也兩者適相均吾
無以處是故憂而不釋然者輒復以月數矣而未有決之老翁
幡然笑曰甚矣子之過計也亦嘗聞越人鑄鏡之說乎越人有
得古銅器於赤城山陰者將以爲鏡輒自計曰方之則不足以
燭規圓之則不足以照矩如是狐疑不決者蓋三年而不知遺
形以任照無爲以輔其自然愚亦甚矣吾願子忘仁去智刻心
與造物者游而無復較計輕重則親亦我也我亦親也親與我
奚擇哉子息之吾去子矣遂去不復見

嚴道郡學聖賢書像記

裴巖先生

李楊先生既新廟學土木之崇高雕鏤皆極其美矣而講堂

尤巨鑿又使工摹成都禮殿所畫漢古以來聖賢遺像列置四壁且命其從事李善與考世次審諸名氏說所以畫此意蓋謹按圖籍漢興平初高朕守蜀始作禮殿即畫三皇五帝七十二子及三代兩漢君臣其後好事者頗增益以魏晉或曰太康初蜀守張收所畫也或曰殿有畫自高朕始若張收但取魏晉增益之耳今遺像并及王導謝安則張收後復有增益顧不知誰畫此也自王羲之已知貴重此畫請可妙可觀今距羲之蓋八百歲則畫愈可貴重非士大夫肯所寶玩魏晉以來丹青人物輕得擬也歲月浸久乃殿門者皆帶戟思塵垢蒙翳精神晦昧粉墨題識漸多剝落藻飾存加筆迹稍失其舊而不學者復用私智改換姓位號甚者或古無是人獨幸聖賢未即朽壞憑附之質隱隱故在乃追逐上下斟酌後前尋繹其偏旁以意造志還就本書世次名氏可傳信不疑者摭得一百七十有三人悉付工使畫其無所考驗莫知孰何者畫亦弗及也畫卒壽彭子

先生曰三皇五帝與七十二子是學者執定所常調誦兒童厭聞而欲見者也然亦多說託未有定始左氏稱口書有三墳五典蓋莫知何等書也孔安國著書傳因以三墳繫之三皇五典繫之五帝而三皇五帝之稱則亦非安國所創言外史分職固掌其書也傳會周禮安國若可信矣而司馬遷實安國並時人作史記遽弗用周禮黜三皇紀五典豈遷不見周禮抑疑而未信故邪議總擴發於哀平在所不論莊列文子呂不韋春秋及六強管夷吾書臣心稱三皇不惟周禮也蓋棄不取謂遷多愛不忽顧忍於此何哉且百家稱五帝與稱三皇孰多遷獨爲五帝本紀誰氏之從歟大戴禮家語世本與遷合者也皆以有熊爲五帝而不數三皇與五帝以有熊爲五帝則三皇關其一固不可數也然三皇與五帝俱稱詎當偏廢故先儒或上數繼之以配義農或和取祝融及共工足爲三皇數而鄭康成又置女媧於義農之間五帝并數有能至陶唐爲五帝而治虞舜不數使

夏商周爲四代其悖理傷道甚矣有劉恕者惡其亂厯始力攻之以謂三皇五帝之稱孔子未嘗道也後世依假託更相抵牾皆不足證百家旣迫掎擊雖周禮亦挫其鋒獨取易大傳所序伏羲神農黃帝堯舜而解之曰女媧至無懷十五帝臨魁至堯罔七帝皆承襲羲農而主金天高陽高辛亦嗣黃帝如無懷臨魁比也而堯舜功德特高非百王所可並是宜別稱二代紹黃帝而繼羲農恕之說簡矣旣不違經又即人心然學者溺於三王之稱不能舍舊圖新不得已而從安國則三皇猶各安其處如愈遷耳要非正也今此繪事其亦從安國者歟畫盤古居伏羲前何也生物始於盤古天地万物之祖也自盤古至燧人蓋九十一代而伏羲出焉其說雖不經見然傳聞有自來矣恕示不能易也蒼頡沮誦沮誦獨見於帝王世紀衛常亦兼言之蓋與皇甫謐合今此二人者並畫於神農之後黃帝之先則畫者或出晉人未可知也其先黃帝豈猶疑於誰周張揖等說歟

辭人官畫居高陽高辛之間得其趣矣或指為三皇與六工相
類如謂蒼頡本帝王者皆譏緯妄書雖此畫亦弗從也三代以
降坦然明白殆無可疑若伊尹負鼎以干湯齊東野人語耳孟
軻固嘗辯之今畫猶然世俗易欺難悟類若此而成王冠屋過
制又知禮者所嘗太息也孔子問禮於老聃司馬遷著之五儒
惑譁焉達人大觀則無不可者而此遺象因使聃也倨坐件左
疑立其前舍拱揖而效夷禮豈西方之教當此時亦既盛行歟
學者不可不察也孟軻稱仲尼之徒曰七十子司馬遷謂受業
身通者七十有七人而家語弟子解但總目以七十二雖攬目
以七十二而姓名特見者尚七十六司馬真謂家語人數與史
記同蘇氏古史亦云今數之塵得七十六蓋公伯寮與秦冉顏
何俱不載於家語而古史但舉冉何疑家語別本尚著公伯寮
而今本偶脫之公伯寮可補也而冉何及鄒單由黨四人者實
家語所無雖無此四人乃別出琴牢陳亢惡亶申繆等字懸置

田縹印鄒卓申重印轉借訛舛耳而琴牢漢元又復不載於史
記合史記家註二者并數之凡得七十九人今亡史所載是矣
而開元禮列從祀之位亦止七十一且皆失其姓名及託書追
贈公侯伯爵乃志著見數其姓名則遽增五人矣不知所增何
等也唐舊志與新書人數實同而通典又別增五人并十拉數
之乃得八十二若蘧瑗林放陳亢申枏琴牢五人者皆志所不
載也蘧瑗林放申枏先儒未嘗以爲弟子儻可不錄而陳亢琴
牢實見於家語及論語奈何棄之然所載七十一人姓名則皆
與史記合必當時以史記爲據耳增以蘧瑗等五人不知通典
復據何書也逮祥符進封七十二子蘧瑗等五人皆在而公夏
首后廋公有定顏相鄒單罕父黑素商原亢樂歆廉縈等十人
皆不與不知當時又何所據也王且謂建隆嘗有定議在祥符
初已不復見獨籍國學所圖得其姓名耳今此遺象自顏淵至
秋黑凡七十三人其七十一人姓名互見於史記家語及通典

開元追贈遍及之惟樂秋右處廉潔原亢公有定顏相秦祖郭
單八人者祥符進封所不及而陳亢由棧公并疆懸成顏之傑
顏何孔忠公西舉如公夏首罕父黑十人者畫亦無其象乃利
出麻瑤一人其姓名皆不見於史記家語及通典或題識繕誤
當十人中之一人願不可臆決耳卿所謂不學者猥用私智改
定族姓位號殆此類也十人者開元追贈亦遍及之自陳亢三
公西舉如八人者又追封於祥符惟公夏首罕父黑二人者至
政和乃追封不知此畫何獨遺此十人也司馬真又言文翁孔
廟圖弟子凡七十二孔廟圖今蓋不傳文翁無異人或即此畫
也其數但多一耳考其姓名復參差不合則此畫殆非真歟又
言遠瑗林放申枨申黨皆後人於孔廟圖妄加者今畫有遠瑗
林放申黨獨在申枨豈廉瑤則申枨邪疑不能明也自孔子自
顏冉及游夏以四科此十人蓋嘗從於陳蔡者耳七十二子可
外四科者不惟此十人而後世或因四科遂坐祀十人以爲古

故薛伯高謂非孔子意按史記家語亦次第傳十人者為首為
今考此畫則仲由居樂欬後言偃居公治長後而季子又居樊
須後不知畫者故紊其序邪或當此時向有所本也禮失求諸
野遺象不猶愈於野乎夫七十二子與五帝三皇學者朝夕誦
誦兒童所厭厭者也然其族姓位號猶不免如此紛錯難辯苟
非豪傑特起之士雖盡富貴誰復此數故君子疾沒世而名不
稱又當務其素者大者而舉必貴乎博也豈獨繪事哉其曰淡
井得泉即休不藉勞苦旁求食肉禽鳥肝非不知味則所謂苟而
可者如不學也或連常學於范宣動輒視宣所為遠獨好畫宣
謂無用也及遠畫南都賦圖宣始咨嗟稱賞以為有益楊惲觀
西閣上畫人指桀紂畫謂王武曰天子過此一二問其過可以
得師矣矧茲禮樂之聖賢乎先生既諾其說乃退而書之以告
學者庶相與蚤辯云

新刊

國朝二百家名賢文粹卷第二百四十五

三

新刊 國朝二百家名賢文粹卷第一百四十六

記

城邑記

山川風物

重脩都城記

淇水先生

熙寧八年九月癸酉完都城元豐元年十月十八日未建畢詔右正
言知制誥呂李清臣記之曰清臣稽首曰臣幸得公備舉論議
備從官國有豐功厚利勒之金石以告後世臣之職也亦師所
以尊天子首萬國而以三歲之積易千百年因循之陋一手足
之力不出于民一粟縷之資不取于民居者不聞杵斷之聲役者
不罹罷勞迫蹙之苦而增卑以爲高倍薄以爲厚崇墉屹然周
五十里一百六十有五步橫度之基五丈九尺高度之四丈而
理堦七尺堅若埏埴若引繩四方之來朝望夏者佇立觀嘆以爲
天造地設於天下爲根本先窮之賴此而不能記臣之罪也臣
不敢辭謹拜手奉詔曰民生具宜冒冒不辨理慙不知事其貪足

以自養自衛而智弗之及也聖人爲之辟爲衣食之本業之達
其端塞而勸率其怠惰以天下之力以服禽獸然後人類勝合
天下之慮以制夷狄然後中國強內爲宗廟社稷宮室而外爲
之城郭溝池使居有以樂患有以捍番衍長久而治此五帝三
王之道也利非聖人弗施害非聖人弗革是聖人之作莫非爲
民而爲者而彼且疑其原駭其始我欲安之如將危之我欲逸
之如將勞之其故何也夫造焉之謂聖由焉之謂民方利害之
計隱於漠然茫昧之際固且有偏見曲說牀之矣而王者之功
或爲之中卻而止則敵有熾而不熄澤有壅而不下可不爲之
惜哉惟聖人曲成萬物至智也故子不得而惑兼冒天下至公
也故私不得而勝其觀也博其斷也獨默而思神而運使百姓
不能評其迹而卒與蒙其成非夫備物致用極深研幾其何以
與于此曰嘗考諸唐官則以都邑之重爲王治之本故曰惟王
建國辨方正位體國經野設官分職以爲民極至齊于上國建

于下置樂祗景所以辨方面朝後市所以正位重門五經涂九
國然後有體積夫以爲井積井以爲同野然後有經則任官論
才以治之爾雖周公之制作蓋不過如此而已何獨周公哉昔
者伏羲神農氏居陳少昊氏居魯高陽氏居濮高辛氏居河南
堯居平陽舜居蒲坂禹徙安邑湯處亳文王在豐武王治鄘亦
各擇天下之勝以遺子孫百世之業惟我汴京氣象宏偉平廣
四達而岡阜繚轉四隣地中若龍盤虎伏昵而四據濁河限其
北清洛貫其內氣得中和土号沃衍麻菽果穀百物之饒可以
畢給往來之眾乘煙屯雲映帶門闕望之者知其爲天子之宅
故太祖皇帝以之拓統開祚拯五代之亂推尊祖考昭配上帝
太宗皇帝以之經文緯武艾夷僭叛平刑慎罰綏靖區宇真宗
皇帝以之興禮樂文太平東封泰山西幸維維壤膺在受瑞耕籍
賜酺仁宗皇帝以之公恕儉勤履蓋通育郊天祀地四十二年
大享明堂裕祭七廟英宗皇帝以之承祧繼體事神保民睿明

奮昭仁孝感格皇帝陛下以之考道據德制法作憲平成天地
億寧神人上若日月星辰下若風雨霜露草木虫魚莫不懷所
赤狄黑濮青羌白氏以并服靈輿奔走獻見者接迹于道御三
朝闢九門坐視四海於開方法實數万里重城之內畫坊一百
三十二其外則連營列屯畜養虎士布於千里之內若是而郭
郭荀簡靡地頽缺非所以觀遠也北周世宗患其狹隘命廣而
新之以頌言謹讀謂猶頽頽而功不可以就也至奮而史期
以身當天下之誅於是王朴王營度薛可言史佺蓋万康彦瓌
之徒司工築舉宋滑曹鄭之民十餘万城之陶穀為之頌建
此一百二十有五年矣風雨所地懸絕所穿行人躡其顛流潦
夾其上而累世重之罔敢及此聖主忠誠意匠不少不謀營于
無為圖于弗用乃救內侍之旨宋用呂董其事而鳩取監收州
郡之羨卒共其力兵不踰一万分部者十人被幹迺遷奇鍾貢
序創機輪以登土為鐵蹠以固溝塹于內方環土而決蜀倫當

勤卑作亟罷廬舍有次食飲有時錫之金錢賦之藥劑是以卒
徒致功而無逃亡疾疹之弊度功五百七十九万有奇漢書有
十之三其作怡然其成裕然人不及計示不及議而城以完新
美矣設卒廬乎其上凡七百五十間又以餘財易八門崇端顯
嚴皆與城稱城址外距隍空十有三步而內空十步陸植槐柳
蔬林水毓涵魚芡芡用爲勢勝之助聖授其等巧薦其能小大
之利不可一二而既也春秋書內外築邑三十七欲其無乏民
恊無傷農功漢城長安六百里內男女悉調發舉大眾三十万
者再益以諸侯之徒隸二万勞費如此至于彷彿而成若今日
之易歷選往古蓋未有也夫惟天所明使公祉福天下晨朝百
官夕省万務勞勤心力耳目以格先王之績者十有三年矣玩
好之弗視而享祀是嚴會朝是正禮樂是隆宮室弗加麗而府
寺是設朕庫是廣基不增增園不之闢而城郭是
修京師是固所以條刻垢疵補塞隙漏挈長取大垂創典則則

衡後準左規右矩物莫不有紀事莫不如序逮于今茲然後知
億萬年之廣帝能易于此然革故之難視成之易是惟末俗之
常而初則議中則聽終而驩且服者自中入下士皆所不免譬
猶衆方之生何足以度知天德而天不為是以輟政元化凡我
師尹百僕因城之志以求熙寧元豐之治則於聖主所以為天
下者不待教告而孚矣元豐二年九月一日呂清臣謹記

四堡記

東平呂公

延安之城也久矣迹其初因山以為險歲久生聚蓄不足以居
則益侵河壩而廣之又不足則東州之東西州之南與其北皆
切矣於是其一州而五城焉然徒知益城而堡溢郭之居民而不
知城斤地進高山峻嶺俯臨乎其外一日城守委以與敵則我
之動息舉而敵知不待距闔之城臨衝之瞰而矢石雨集於君郭
矣則雖墨子亦何以為智哉此四堡之所以不得不建也蓋延
有原定初吳羌入寇不能陷而去守邊者遂以為文非虜所長

城不以城爲事而山城之高處磴道曲折上四旁深難居以兵
爲名其仁至於二十年之外未嘗輒至即以詩書自娛而稅契
於此邦者宜不遑省也故云狹有三於不足以方成其厚至於
可緣而上下九樓櫓品物顯然不具而地之足以捍吾城者又
委而不顧夫豈古所謂設險以守國而備預不虞之意耶熙寧
十年余既帥延矣因時游觀南上嘉嶺北九州臺西六狻於伏
虎龍頭山東閱武於武家平皆極其高深之會而遷之地利不
訪而得矣於是度土傳式因其狹者而廣之卑者崇之而城完
矣於是建四堡曰英烈曰蓮花曰九州臺曰燃燈臺英烈以朝
名蓮花以形名九州臺燃燈以山名其建之所在則余所謂敵
得之足以時吾動息而我得之足以捍吾城者也凡內外城戍
之要者略以是諭之使倣而治焉於是一道之城壁凡守禦之
術煥然一新矣而延之五城唯西州之南爲終不可守即其已
具之器物而均之四堡付守之人爾因四城之餘衆而分隸

焉既以其事上聞矣而余代去有期恐繼我者或遇幾會而未暇周游歷覽以見吾經意之詳於是書其大致以刻之石而告之至夫營築繕造之功樓櫓品物之數分地應敵之法則有圖牒約束藏之有司可按而知焉元豐三年二月二十九日資政殿學士給事中鄭延路經略安撫使兼知延州呂惠卿記并書

延平津記

夏文莊公

延平津豐城劍沒之所也晉氏表亂帝將以神物授至人贊英主氣紫牛斗待其所知者張雷知之矣而用之不能也且煥啓發之淬礪之知為神兵矣而不知撥時難定禍亂之可用也華拂拭之佩服之知為利器矣而不知剪莠拔毒彊言之可用也嗟夫知其氣而不知其意知其神而不知其用煥執節無位且死矣華居上無勳且誅矣劍之靈何以試哉天之意何以明哉惜乎人不我異當自異之故沉大津化雙龍俾万世之後知不徒然而出哉吾謂其元而為氣非誣也示可以動霄漢養星土

以求知也隱而爲龍非恠也示可以需甘澤救凶需以自聖也
若天天生仲尼文以經天地智以動邦國示知也天下知之矣
知之而不能用之故沉道德之淵泉化仁義之鱗甲需禮樂之
雨澤救罔亂之凶孔自聖也而天下聖之矣蓋夫人不知則不
可發也道不聖則不可求也求知足以發幽潛自聖足以見名
迹千載之下善謗者不敢以丘爲東魯鄙人也善譏者不敢以
劔爲南昌欽刃也蓋是劔也非是津不足以化也非是龍不足
以異也余觀其波色若鋒鏑鏘衛之韜映也審其流曲若鱗角
爪足之窟宅也猶閱其經籍若聖人宴居講習以其奧也觀其
禮樂若聖人盛服鞠躬而正其制也長波滔滔界于南國陰雲
漫漫蒙覆與岸知者謂之靈川也勝境也不知者謂之古渡也
荒津也夫迹有可紀事有可喻秉筆者之不敢遺也故以黃聖
人之道刊石津右以示其末知者

去潤而東順江而下六十里而後至其山名國一作本昔余居淮南嘗以事至其下而望之則其東皆平去國而西逆江而上五十里而遠始有山三其二合爲海門一爲焦焦山世傳漢之隱者焦光居之今其旁猶有傳爲其後者世以其故名焉江之源出於西南其流至是蓋万里自金山而分分而復合故其流湍而善覆舟之絕者皆逆刺而順下山之道南出人之遊者入于北以至寺其花櫻其石崖其樹薄木而厚竹余嘗至其上以望江海之交下來晉將軍王羲之之銘而觀之蓋嘗終日焉直焦而南其山石翁去其西六里而遠曰花山又其西三里而近曰甘露二山皆有寺而甘露清輝閣爲最佳余嘗至以問恨石之何是其傳曰漢末吳蜀二主之所遊也其地皆尚其東別而益盤其城爲鐵甕石折于江其山赫其下河決距于江以沂金山自余之喜遊上下江淮之間七年之中凡九至其上下越於頭陀朝陽之崑去而每思之直金山而南其山扁其東之山龍堂

其西之山白虎又其西之山蓋不知其幾百十里而後絕其可望而見者若長山若五洲若青山若高巖若覆舟自白虎而南別爲阿益卑爲阜其附爲城其裔爲所屬千山凡十數里山皆石土雜无所樹其石鏤而轉于城中載而入旁地可爲梁可砥柱可捍旁江岸可爲道中轍所用旣博則取者无日而不至其草可爨其下多牧故其山貧獨招隱爲最富昔其地戴顓之所居也山負南而抱北寺偏其左去寺而西道數百步而分自南而東得泉二虎跑鹿跑井一煉丹自西而北有庵曰坡雲庵之南軒四舊本无字山之最佳處也其地敏竹其樹宜松其果多梅李桃杏梨栗其它木尚衆而雜密不可紀識忽焉視之如疑其西之山盤爲虎窟其泉出爲真珠步其東而上有泉曰一人下更十數山而至鶴林鶴林蓋竹林也傳云晉末宋高祖方微時嘗卧其下自以見黃鶴爲祥至其後改之其語應史其東皆岡阜斷輒復續以与鐵甕交潤之地傳江其城亦傳山而爲固自

漢唐之亂方天下之分時潤常當戰衝其禍久結而不解世傳
其民爲甚苦方其平時伐山刊林下浮于江海其得龜魚交族
唯葦薪炭以擅其饒食用既足棄其餘於旁流得龜魚交族
因其山水之勝歲時之閑憑高以臨遠思去者望來皆生游
其間而死葬其下其民顧亦獨樂也州之南北通河江故其俗
輕有舟於其歲時都人士女之出无馬俗不用車舁其遊皆委
地皇暇故於山泉之微木石之細每有過異輒得傳一州以爲
觀宜其事物載于民間者多也令既自視無所用於天下去而
赴之民間日偷其衣食之閑以軼于事緒一本之外忽焉樂而
忘疲也間而思天下之盛時君臣相与之際士有出於其時者
苦心經萬事之繁自覽天下之會身任四海之重乃至有九年
于外三過其門而不入其有所思夜以繼日幸而得之則坐以
待旦所爲煩勞用其力於天下乃如此於其休閑則其人蓋已
貴富非其一作賔客在則則詔相居古施身於拜辭附議之間

苟瞻睥目之所及手之所指則左右爭走操執以從事

竹羅而合比于前

一本作後前

干戚羽籥列而布舞于左右雖終

身何暇一日之及

山水之間哉假有樂之者又其時皆士而

絕分裂以為國非有天下之憂主者之命身不能輟過其下况

又得歲月樂於其間哉自其下君臣相得之日少士之生于其

時顧非其道者稍稍引而去之入于山林與木石居與麋豕遊

不願世之賓客儼介也私居燕閒妻子起坐以相給不願世之

左右趨走也泉流鳥啼風薄木以成聲不願世之歌舞也其於

朝廷廟社之間非身有其役亦不為之至也斯二者皆士之得

所樂於中致其身於進退接之以外物之可樂蓋其得失之如

此子讀詩至于考槃而後知士之得已而可已也彼浴乎沂風

乎舞雩詠而歸蓋聖人嘗以曾點之言為然又從而嘆之孔子

亦嘗曰隱居以求其志未見其人也自孔子孟子沒士之進者

多非其道以其不合而去者則有矣以才考之要其終不與聖

人悖者蓋稀方其去時若真有挾待世之必合而後為者聞亦
時君世王招之使言一作得道其欲為於天下而其言多無繆
一本繼云或謂於古而今而蓋于竊惑之然不知於山林果何以也及
子無所事縱身於山水之間以為其樂而後知彼蓋亦有所惑
者也夫隱非求志慕山林以長往與進非其道樂習於相樂而
不能去者其事雖殊然為失則一也是皆謂玩物之士書曰玩
物喪志然則隱者之於此固可以求其志而亦可以喪其志也
傳曰苟非其人道不虛行隱固有是哉

明州西湖記

邵尚書興宗

嘉祐六年七月壬寅詔以四明太守錢君入直左右史至之日
抵書其友丹陽邵亢曰我雖治明之日淺然於明人為無恨矣
歲和穀穰愁歎息而薩豫行我樂與眾人之樂而申之為之亭
於城西南偏之湖中而以眾樂名焉吾友為我詠之既辭不獲
命矣其詞曰明治故鄣瀕海之都厥初導江源于南山驪為清

入千城吳越肇國茲為輔州率常近親以守以謀湖枝于
水數百畝中為亭觀卉木洲嶼于今百年下下高高頽圯壤
者一臺維時錢君來守此邦此邦之人曰維政刑毋枉于直
曰維教化丁遷于良山樵氷耘墾之阜安陶然大和歲以有年
邦人怡怡並尋于娛君曰從事與是同好近而勝者莫湖先焉
閑者注者隆之昔吏之租削而捐之周為雅梁於以往來
合為一臺舒翼開遠品近峯烟壘雨青水流廷塔激激有聲
君曰一臺注落之荷房芟艸是雅雅翻翻浮滿前凡州之人
月惟其聯航掉艦有酒筵絃來游其間環隄徬徬風于柳楊
夕以手還明人之憂惟使君是求明人之樂惟使君是度樂乎
樂而不與之同樂安在其為樂哉他山之石以鑒以刻以告後
人尚其

清沐記

丞相章公

上帝監觀四方相定王國乃睠大梁之野原隰廣博岡陵重覆

登受命而帝者建都畫圻以爲萬世之業顧川流之委靡底闕
未通而人力之功所不能及是以截覆潛蓄不輕畀付蓋三五
以來帝王所都太昊神農之於陳高陽之於濮帝嚳之於河南
禹之於陽翟陽城商人之於亳於耿於相周公之於洛邑環繞
碁布相距不能十數舍之遠而終莫得其剋禹之塞滎澤疏鴻
溝以爲良蕩之渠達于淮泗以泄大河漲溢之餘波言無其意
哉然未足以舒發山川之氣迨嗜欲將至真人勃興上帝始命
有隋造謀商功鑿板渚之口塹高隄下綿千餘里至于徐城之
沙塹控引大河屬之于淮而形勝始見又命五代梁晉漢周剪
治梗荒草創都邑然後我藝祖宅帝集受天命肇造區夏平刻
僭僞混并六合遂定都之以成萬世之業聖作神述重光累洽
文宗武剛邇邇和遠懷太平之功自書契所稱以迄于周末有如
今日之盛也嗚呼上帝之所付委其尤顧不遠哉自河水既導
川流既通而湍猛激射泥沙相渾夏漲冬乾風氣猶樛阿元豐三

年夏天子始詔築堤于河洛之兩間以捍黃水鑿渠于廣武山
之麓以導伊洛注之故渠發源四方委之東南清深紆徐不悍
不驚更冬涉春無有涸竭而後山川之形勢都邑之美利完矣
初藝祖旣削方鎮聚其兵於京畿仰給縣官而帑藏倉庫常餘
九年之儲加承平旣久戶口滋殖四方百貨雲聚山積雖遇水
旱之災都人未嘗知有凶年者恃此渠每歲孟冬輒塞苗閘塞
至春調近郡兵萬餘疏治彌月歲以為常清明水至舳舻相銜
重載汧流日不一舍杜師萬工一失支柱則覆溺隨之頻渠甚
民頗因之以肆推剽漫不見懲莫能禁而故公私之載輿敗沉
溺而夫羈旅遭殺越之禍者凡日而凡也間遇霖潦則發卒聚
士晝夜呼警以防潰決之憂此人人所習知圖轉漕之利故莫
敢置議元年都水監丞范子淵建言請導伊洛入汴易湍猛為
安流以免黃水之害即度不足以運舟則並隄為塘以滲取河
水且度渠為十閘以節之渠兩旁有溝澗陂湖皆可引以為益

願遣近臣按視利害時執政有以為無可之理議者翕然和之
十二月詔遣安壽張茂則承傳以往明年正月壽茂則奏功不
可成天子曰壽茂則言皆非是子淵請引洛水頗有理而其所
措畫未善也乃詔宋用臣曰汝鄉嘗言此偶未暇及汝可往視
因授以成等用臣奉命疾馳以往數日而還具奏如指詔即掘
其事子淵專護岸治堤而已四月甲子始興役六月戊申渠成
其長五十有奇又有堤間以蓄餘波於三十六陂而漲水以歸
之河凡用工五十七万而減物以條枚石束片段計者百有二
万而贏工取于兵物取于官瀕渠之民坐以享實舊之利而不
知有畚鍤之勞既奏功擢用臣子淵皆加等餘官若吏卒賞資
有差運舟之夫率減少半而其速自倍道途之人旦征夕息无
復往時之患矣先是慶曆皇祐之際河舊壅塞成皇間漫山足後
稍北流至熙寧中益徙而北故道伏而為堤岸至是漸築成自八
月至明年春不兩河低乃仰而視故渠之底嚮也是役不興則

茶已涸矣然則先天而天弗違後天而奉天時固聖人之事也
可而無成難而慮始彼紛紛者皆是也天地形列于前猶且不
能觀況於熟定久遠之計豫畜未兆之幾乃欲冀彼之莫不我
孚也難矣由熙寧已來然可見也非天子神聖獨智遠覽得於
形器之上而出於拘俗之外照以重商之光明行以乾健之不
息則天下之事功法度且无以幾於成矣豈特是渠而已哉翰
林學士章惇撰

雅州蒙頂茶記

賢郎先生

自古茶本出巴蜀晉孫參軍楚作歌嘗言之矣唐陸羽著茶經
言當時出茶之郡四十有三劍南則稱彭綿蜀中雅瀘眉漢及
驗於唐志貢茶之郡止十有六劍南道惟雅安一郡而已以天
下奉一人固必獻其尤者雅茶之冠蜀固可知矣然鴻漸不推
高雅品何哉切有所疑而質之他書如范蜀公東齋記事雅安
蒙頂絕異於他茶譜李公內翰圖經雷吏君太簡茶軒錄皆言

蒙頂上清峯不特冠蜀中自最天下以寡敵衆則衆者是鴻漸
之論非矣然又嘗思之鴻漸之鑒非昧於茶也其失蓋亦有自
按鴻漸生於開元二十一年幼育於竟陵積禪師天寶中游谿
浪邑後負書火門山至德初過江上元初結廬於茗溪之湄上
元辛丑歲時年二十有九自作傳云有茶經三卷則知茶經之
作在江湖間矣江湖之上福建非遠尚言未詳而往往得之况
蒙山僻在西蜀之隅則上清絕品想鴻漸未嘗得之也雅安自
肅宗乾元罷貢而汚城紀異記云代宗大曆初鴻漸自吳興召
至宮中尚積禪師烹茶是時宮中已無蒙頂矣然當時豈獨鴻
漸不得之如李諱仙杜子美困游流落為劍南羈客無片章隻
句略言蒙茶之美豈非時人以天子委弃无用之物不精其製
造耶鴻漸之後四十餘年長慶大和間韋齊休佐使雲南過蒙
山下行記云蜀茶不出於此李益相德裕入蜀得蒙茶沃于湯
餅之上後時盡化以驗其真白樂夫復有琴茶詩云琴裏知聞

惟緋水茶中故舊是蒙山窮通行止常相伴誰道吾今無舊
天下茶品多矣樂夫特言蒙山是知後人嘆幽振帶稍稍不賞
得爲天下之最決無疑也鴻漸茶經云生爛石沃土者上紫者
上荀者上葉卷而若微始抽者上第十篇復具言又服得山之
事今上清所出皆備有四上之美又其始生在春冬之交密雲
霏雪蔽覆若有神物護持故紫荀之英歲得甚少此亦秀氣所
鍾天自珍惜既末之不特殊甘色白又其性溫煖又服不令人
患冷非他茶之比茶譜說蒙山遺事昔有病僧遇一老人教服
上清茶後得道青城山此正與鴻漸載神異記陶弘景雜錄言
丹丘子事相類亦與李太白言荊州玉泉真公服仙人掌事同
但恨鴻漸非蜀人既不得見其初生四上之美又不詳知病僧
得仙之夢耳自乾元罷貢之後蒙山不得入禁中于今三百餘
年本朝蔡君謨嘆鴻漸不第建安之品遂以建茶作爲龍鳳團
以唯默公亦收稱建團官爐多縷金花于其上雖宸恩殊錫

亦所稀得自是茶擅貴而蜀茶益不振君謨閩人未嘗游劍外
故亦不知蒙頂紫笋本天下第一嗟乎蜀本西伯道化文翁德
教之國惟其邈在西南數千里之外故凡物不能自達而遠顯
于時翰在晦迹豈止蒙山然而已哉是可嘆也

王氏至樂山記

賢良王公

嘉州東枕大江面高山江山相昵沙石潰散山勢骨立直起如
壁橫截如城塙山之上長松脩竹翹竦偃亞羅列如畫南扶九
頂北倚龍嵒西望我眉俯清流及城市升揖樓臺出沒高下皆
在目前邦人王子厚築室於其間軒閣臺榭盡明洞達四時相
與交愛者無非風雲雪月其所得之志可謂清且遠也然士大
夫多自爲謝安東山而余深竊恨之昔者王裕之清脩寡欲心
薄於名利道德高遠蓋視權貴退居吳興舍傳山中時號爲王
東山及其子孫三世皆貧賤不取諸此而反慕謝安之所爲豈
以其功名之盛聲名之泰爲可樂耶以名勢也聲色慾也勢不

如道慾不如德此富貴之士逐物以爲樂而性不與焉非天下之至樂也當時則榮沒則遂已若夫雖死而尤存者道德也充所謂榮者本乎俗而非達者榮之也所謂存者自其性非衆之所不忘者存之也豈可同日而語之哉且性無外也無待於外而自足或有取於山焉以其高而察安靜有似乎性也今居山林之間而或有功名聲色之慕是志乎物也夫物不可必以得爲喜則失之必憂憂喜迭作陰陽皆傷求德而慮至其爲樂也安在子厚以書求爲記因以是告之其言非邪且安於諸君之說也無俟乎記可也若猶是也願學裕之之爲人然子厚賢者也必以予言爲當也謹名曰王氏至樂山

同州修城記

唐恭愍公

宋興百六十七年海內乂安四夷賓服晏然無一塵之警蓋祖宗綱紀法度維持國勢而陳仁厚澤固結人心率用賢有德者以重朝廷衛社稷而措天下於泰山之安其所恃以爲固者豈

金城湯池之險哉。比年以來，權臣竊位，闇人與政，陰植黨，興公肆其姦，變亂典常，太去其籍，而國之所恃者靡然矣。今皇帝嗣君之初，堪家多難，胥軒圖治，凡蠹國害民之事，皆除之。惟先王舊典時式，至誠惻怛之意，形於詔旨，天下歸仁焉。國勢復壯矣。人心載寧矣。天下之治，可坐致矣。恃德而不恃險，故也。險不可恃也，不可不設也。守臣以慎固封守，爲嚴可，不謹乎。兇馮翊漢三輔，是陝右之襟喉，而頽垣破址，穽子可憑，而遊非所以重千里之寄也。其承乏試守，旣至，則省催科以實民力，計戶口以噉役事。刻日鳩工，民驩而趨，城同圍九里三十步，卑者增之，薄者倍之。穴漏并裂者，盡剗而築之。其高平四丈，下闊六丈，而上三之一，壕深三丈，有奇，而廣袤倍之。砌樓櫓一千四百間。凡役六旬，旣事，餼糧之資，板築之具，木石之須，皆給於縣官，而歛不及民。城成，觀者如堵，居者可以奠枕，而爲守者可以坐嘯矣。乃會僚屬而周覽焉，且告之曰：此三秦之塞地也。踐華爲城，因河爲

地據百二之勢而不能保再傳之業此秦失之強也信乎形勢
之不如德也今皇帝觀德於祖宗以追堯舜禹湯文武之治且
鑒秦之所以失方將訓迪百官上自朝廷下至郡縣內外小大
之目咸肩一心以承德意毋以私見臆說以亂舊章毋豐已剝
下以雍上澤毋分明植黨以廢百節相與助戴扶持而輩太平
庶幾所付以爲固者在德而不在險也其賢於長城遠矣郡從
事曰大夫之言士大夫之良規也宗廟社稷之大計也天下之
公願也而非邦人所敢私也書以告來者於是撫實而記
之士

昌州鑑湖記

編脩趙公

稽山冠百越首禹治水止其上籌籌天下山川形勢故號曰會
稽者素紫綠黃赤白龍皆環東北相直則山陰之南湖在焉湖通
台明五百里紫帶郊郭晃蕩天日杉檣入雲篠簞蔽岸方數千
畝牙相摩激清圓如鑑以此得名載之輿地志不知誰許名之

選少詩士山陰道上行如鑑中此其槩也曩年備數宮師置司
鎮東軍白與隆淮諸人講文藝之樂休沐輒泛湖上水波不興
琉璃方塘春而綠渾夏而凝寒秋月如空湖雪如刻出疑方壺
入乃人境晦明變態不可名狀望歷山知虞帝之辛勤稼禹穴
信夏后之神異訪公踐祠瞻亭蘿山服朝紫之堅忍而吳宮吞
餌亡國之速也古往今來嘆朱公嚴陵畫臺蒼尤存而王謝風
流隨草木泯滅將孰得孰失哉言畢日落天變風鳴浪鼓禹殿
梅樛潛脫而騰空雷擊雷雷閃閃助其威神與真龍鬬摧山倒海
靡不駭愕俄頃雲霽雨息夜氣欲定則曰來鑑面可照眉目是
哉真海內之奇觀也予以守南昌返舍繞園見平地十丈藕花
向人堤柳徑竹密匝可愛東有危亭榜曰浮光命翼之西有屋
數椽敞而不名因緬邈而思曰物無大小儻竊名慕芳少希榮
耀豈遽遺後之誅遂采其薺白其壁紙布其階圖障水墨以
髣像無窮亦名曰鑑湖焉夫蓋治無土木之費標榜無穿鑿之

識是然息近在尋尺而渺然有湖山千里之想雖非真蘊漢
康寧不爲造物者半分耶恨文力骯弱不能模寫異境移置目
前僅越人自來觀之斯過半矣書之備遠游之覽云

卓錫泉記

魯國先生

人之精神亦何所不至哉揮戈可以退日搏鷹可以擒羆悲江
可以頽城浩歎可以浚石而況於得道者乎諸君既除表裏昏
空一真之外無復餘物則其精神之運又何如哉吾游羅浮至
寶積寺飲泉而甘寺僧曰此卓錫泉也昔梁景泰禪師始居此
山其徒以無水難之師笑而不答已而庵成師卓錫于地泉湧
數尺自是得井山中至今賴之知水者以爲甲於嶺南而自梁
以來未有紀其事者夫師之爲人誠不可得知然吾聞世間萬
有皆心想所生而古之學道未有不用定慧得者定則深定慧
則流通以深定流通之精神而致吾心想中物如父之使子君
之使臣有必得之勢其見於此者特未足多也或曰開世之士

如李廣利敵未乏徒皆功名進取之人其成敗得喪爲心其精神之富不踰常人而嗜嗜叱咤飛泉爲之湧溢與師元異此何理也曰二人者皆一時貴且左氏所謂用物精多至於神明方其困於絕域之中感奮激發於萬死一生之特其用意至到與精進一體惟其出於一切之誠而充定慧之素以故得之艱勤非若師之顧眄自使既捷而且逸也嗟乎事之不立也我知之矣志意耗於思慮聰明流於視聽則精神所感不行於父兄子弟之間而尚何有於物苟能全吾之神則雖山石之堅水泉之柔雍容談笑之間堅者可使闢而柔者可使激而躍也而獨不得之於人乎吾以是知天下之善無不可立者年月日記

慧山陸子泉記

蘭陵孫公

陸爲新著茶經列天下之水而慧山之品最高距無錫縣治之西五里而寺據山之麓蒼崖翠壁水行隙間溢流爲池味甘素最宜茶於是茗飲盛天下而鉅製寶楷之所出通四海矣建炎

未群盜嘯其中所壞之餘龍淵一泉遂涸今鎮潼潼節度使開
府歲同三
助其福祀
質不凡以
室居之
舊有
四達遂
有威也
分寓
藩垣
日襲常
名自立
精悍過
中者皆
未群盜嘯其中所壞之餘龍淵一泉遂涸今鎮潼潼節度使開
府歲同三
助其福祀
質不凡以
室居之
舊有
四達遂
有威也
分寓
藩垣
日襲常
名自立
精悍過
中者皆

樂除垢汙於戎馬蹂踐之後又置屋泉上以待四方往來冠蓋
之遊凡昔所有皆具而壯麗過之可謂不欺其意者矣而吾黨
之士猶以不織不耕營營其姑置勿議焉是夜日夜淫厲其材
振飲盡壞以移其成無以毀瓦畫墁食其土其庶幾乎故書之
以寓一嘆云紹興十一年六月日習懷孫某記

游相山記

東坡先生

元豐三年正月己亥晦春服既成從三子游於泗之上登相
山入石室使道士戴日祥鼓雷氏之琴操黃帝之遺音曰噫嘻
悲夫此宋司馬相雅之墓也或曰鼓琴於墓禮歟曰禮也李武
子之喪曾點倚其門而歌仲尼日月也而雅以爲可得而言也
且死爲石椁三年不成古之愚人也余將弔其藏而其骨毛爪
齒旣已化爲飛塵湯爲冷風矣而況於椁乎況於從死之巨妾
飲含之具王乎使雅而無知也余雖鼓琴而歌可也使雅而有
知也聞余鼓琴而歌知哀樂之不可常物化之無日也其愚豈

不少聲乎二三子喟然而歎乃歌曰有山之上維石嶮我兮司馬之惡與石不磨兮有山之下維水涵涵兮司馬之截與水皆逝兮歌闕而去從游者八人畢仲孫舒履冠昌朝天適王適王辯軾之子適煥之子彥舉

石鍾山記

東坡先生

水經云彭蠡之口有石鍾山焉酈元以爲下臨深潭微風鼓浪水石相搏聲如洪鐘是說也人常疑之今以鐘磬置水中雖大風浪不能鳴也而況石乎至唐李渤始訪其遺蹤得雙石於潭上扣而聆之南聲函胡北音清越枹止響騰餘韻徐歇自以爲得之矣然是說也余尤疑之石之鏗然有聲者所在皆是也而此獨以鐘名何哉元豐七年六月丁丑余自齊安舟行適臨汝而長子邁將赴饒之德興尉送之至湖口因得觀所謂石鐘者寺僧使小童持斧於亂石間擇其一二扣之矻矻焉余固笑而不信也至莫夜月明獨與邁乘小舟至絕壁下大石側立千尺

如猛獸奇鬼森然欲搏人而山上栖鵲聞人聲亦驚起磔磔雲
霄間又有若老人歎息於山谷中者或曰此鶴鶴也余方心
動欲還而大聲發於水上噌吰如鐘鼓不絕舟人大恐徐而察
之則山下皆石穴罅不知其淺深微波入焉涵澹澎湃而爲此
也舟迴至兩山間將入港口有大石當中流可坐百人空中而
多竅與風水相吞吐有窅坎鏗鏘之聲與向之噌吰者相應如
樂作矣因笑謂邁曰汝識之乎噌吰者周景王之無射也窅坎
鏗鏘者魏獻子之歌鐘也古之人不余欺也事不目見耳聞而
臆斷其有無可乎酈元之所見聞殆與余同而言之不詳士大
夫終不肯以小舟夜泊絕壁之下故莫能知而漁工水師雖知
而不能言此世所以不傳也而陋者乃以斧斤考擊而求之自
以爲得其寶余是以記之蓋歎酈元之簡而笑李渤之陋也

新刊 國朝正百家名賢文粹卷第一百四十七

序

經史序四

駁史通序

富春先生

劉子玄著史通二十卷自左丘明司馬遷以降皆區分利病
定工拙足以自成一家之書然恃其詭辯任其偏見往往廢
六經詬病前聖其尤乖刺者有疑六十一條必謂舜放堯禹
殛桀紂非暴湯武非仁太甲誅伊尹文王放季歷管蔡無罪周
公不忠獲殺公言以二帝三王之際皆曹操司馬仲達陰賊猜
忌以取天下意尼父文飾其善弥縫其惡吁可怪也凡人著書
縱不能羽翼名教張大聖賢亦當以寔證妄以直矯枉今玄方
欲摭拾遺闕刊正疑誤而先逆經悖道拔本塞源取諸子一時
之言破百代不刊之典多見其不知量也在聖人何損於明哉
夫汲冢璣詔者戰國遺燼山海經者方外奇說墨子者孔門罪

人呂氏春秋者秦世雜記皆叛去大教駘馳異端童子屬文尚
所不取信史秉筆天何足徵而子玄方且依附憑陵亂我彝訓
以妄證實以曲矯直慳晦狂簡莫此爲甚古者言僞而辯行僞
而堅學非而博者殺無赦明王在上子玄復生肆詭市朝可矣
昔之爲善譬與堯舜周孔者唯莊周与尼父相去抑又未遠
前事果實則周得不暴揚其短哉故何飛譏万端了無一言及
此吁今古異態澆淳殊味一介之士皆能知之子玄躬踐儒季
職司史氏何反識度顛倒之若此果如子玄妄作則人倫已來
美事皆僞惡事皆是帝王有篡而無禪子有逆而無忠懲勸治
亂之道何從而折中乎子嘗患今人讀史觀其持論品藻薄有
所得并其巧詆厚誣隨而信之故聊剖折其所以然筆爲駁史
通若干篇以示來者

戰國策序

南豐先生

劉向所定著戰國策三十三篇崇文總目稱十一篇者闕呂訪

之士大夫家始盡得其書正其謬疑而有不可考者然後戰國
策三十三篇復完叙曰向叙此書言周之先王教化修法度所
以大治其後詐謀用而仁義之路塞所以大亂其說既美矣卒
以謂此書戰國之謀士度時君之所能行不得不然則可謂感
於流俗而不篤於自信者也夫孔子孟之時云周之初已數百歲
其舊法已亡其舊俗已熄久矣二子乃獨明先王之道以謂不
可改者豈將強天下之主以古世之所不可為哉亦將因其所
遇之時所遭之變而為當世之法使不失乎先王之意而已也
二帝三王之治其變固殊其法固異而其為國家天下之意本
末先後未嘗不同也二子之道如是而已夫法者所以適變也
不必盡同道者所以立本也不可不一此理之不易者也故二
子者守此豈好為異論哉能勿苟而已矣可謂不惑於流俗而
篤於自信者也戰國之游士則不然不知道之可信而樂於說
之易合其說心注意偷為一切之計而已故論詐之便而諱言

敗言戰之善而蔽其患其相率而爲之者莫不有利焉而不務其害也有得焉而不勝其失也卒至蘇秦商鞅孫臏吳起李斯之徒以亡其身而諸侯及秦用之者亦滅其國其爲世之大禍明矣而俗猶莫之寤也惟先王之道因時適變法不同而考之無疵用之無蔽故古之聖賢未有以此而易彼也或曰邪說之害正也宜放而絕之則此書之不泯不泯其可乎對曰君子之禁邪說也固明其說於天下彼當世之人皆知其說之不可從然後以禁則齊使後世之人皆知其說之不可爲然後以戒則明豈必滅其籍哉放而絕之莫大於是故孟子之書有爲神農之言者有爲墨子之言者皆著而非之至於此書之作則上繼春秋下至楚漢之起二百四五十年之中見其行事固不得而發也此書有言誘注者三十一篇亦曰三十二篇宗文總目存者八篇今存者十篇云

劉向所序列女傳凡八篇事具漢書向列傳而隋書見宗文總目皆稱向列女傳十五篇曹大家注以頌義考之蓋大家所注離其七篇爲十四與頌義凡十五篇而益以陳嬰母及東漢以來凡十六事非向書本然也蓋向舊書之云久矣嘉祐中集賢校理蘇頌始以頌義篇以復定其書爲八篇與十五篇者並藏於館閣而隋書以頌義爲劉歆作與向列傳不合今驗頌義之文蓋向之自叙又藝文志有向列女傳頌圖明非歆作也自唐之亂古書之在者少矣而唐志錄列女傳凡十六家至大家注十五篇者亦無錄然其書今在則古書之或有錄而亡或無錄而在者亦衆矣非可惜哉今校讎其八篇及十五篇者已定可繕寫初漢承秦之弊風俗已大壞矣而成帝後宮趙不道者豈亦不足道也凡後世諸儒之言經傳者固多如此覽者采其有裨而擇其是非可也故爲之叙論以發其端云

臣聞學古建事王人貴乎多聞論世誦書前哲謂之尚友然惟
述作異辭簡編具文華實參并源流殊別是以播十二經之說
有太縵之嫌授三百篇之詩或一言可蔽宜其會取樞要塞擯
菁英張衆目於在網察專車於觀節指掌可見括囊無遺而後博
覽鮮寡要之虞好古有知言之選矣昔我仁祖皇帝聖由天縱
道隆日躋惟睿以職教化之源惟深以通億兆之志參天兩地
既成獨化之功聚精會神而以奈何爲道聽見餘暇無事弄日
翱翔詩書之林考合天人之際歷代善敗之道目前於前百子
是非之論壹概諸聖乃詔臣等以常所進讀後漢書刻其精義
與夫善謀別爲短書槩見大略若夫政化之要孔刑之殊材良
節義之風智勇名實之效聞見曾出悉使衆明介善毛惡咸可
接省且等庶古尹之智不足知祈招之詩非班伯之才曷能出
金華之業綿歷歲序僅終筆削示方來永爲不訓有以見元
聖之稽古上德之知言隆禮群儒折衷妙論豈特雙矇之賦充

衡石之程而已哉伏惟皇帝陛下躬道合於自然好善常若不
及自百王之垂憲與多士之周爰未始有遺常以虛受矧復念
繩武之志重思詒謀之有開固將續盛節於丕承加睿心於善
述則新書之傳其邁越於前世矣臣等猥以末學親遭盛際藏
書柱下竊自比於史儋注籍南宮曾莫偕於揚賜仰誦休烈紬
詞序端罄其荒蕪愧於崖略云尔

新序目錄序

南豐先生

劉向所集次新序三十篇目錄一篇隋唐之世尚爲全書今可見
者十篇而已臣既考正其文字因爲其序論曰古之治天下者
一道德同風俗蓋九州之廣萬民之衆千歲之遠其教已明其
習已成之後所守者一道所傳者一說而已故詩書之文歷世
數十作者非一而其言未嘗不相爲終始化之如此其至也當
是之時異行者有誅異言者有禁防之又如此其備也故二帝
三王之際及其中間宜更變亂而餘澤未熄之時百家衆說未

有能出其間者也。及周之末，世先王之教化法度既廢，餘澤既
熄，世之治方術者各得其一偏，故人奮其私智，家尚其私學，者
蠡起於中國，皆明其所長而昧其短，矜其所得而諱其失。天下
之士各自爲言而不能相通，世之人復知學之有統道之有歸
也。先王之遺文雖在，皆絀而不講。況至於秦爲世之所大禁哉。
漢興六藝皆得於散絕殘脫之餘，世復無明先王之道以一之
者。諸儒苟見傳記百家之言皆悅而嚮之，故先王之道爲衆說
之所蔽闇而不發，而怪奇可喜之論各師異見，皆自名家者誕
漫於中國，一切不異於周之末世，其弊至今尚在也。自斯以來
天下學者知折衷於聖人而能純於道德之美者，楊雄氏而止
耳。如向之徒皆不免乎爲衆說之所蔽而不知有所折衷者也。
孟子曰：待文王而後興者，凡民也；豪傑之士雖无文王猶興。漢
之士豈特無明先王之道以一之者哉？亦其出於是時者，豪傑
之士少，故不能特起於流俗之中，絕季之後也。蓋向之序此書

於今最爲近古雖不能無失然遠至舜禹而次及於周秦以來
古人之嘉言善行亦往往而在也要在慎取之而已故曰既情
其不可見者而校其可見者特詳焉亦足以知曰之攻其失者
豈好辯哉蓋曰之所不得已也

說苑序

南豐先生

劉向所序說苑二十篇崇文總目云今存者五篇餘皆亡曰從
士大夫間得之者十有三篇舉舊爲十有八篇正其脫謬疑者
闕之而叙其篇目曰向采傳記百家所載行事之迹以爲此書
奏之欲以爲法戒然其所取往往不當於理故不得而不論也
夫學者之於道非知其大略之難也知其精微之際固難矣孔
子之徒三千其顯者七十二人皆高世之材也然獨稱顏氏之
子其殆庶幾乎及回死又以爲無好學者而回亦稱夫子曰仰
之彌高鑽之彌堅子貢又以謂夫子之言性與天道不可得而
聞也則其精微之際固難知矣是以取舍不能無失於其間

也故曰學然後知不足豈虛言哉回之學博矣其著書及建言尤欲有爲於世云云其在已而爲之者有矣其徇物者多而自爲者少也蓋古之聖賢非不欲有爲也然曰求之有道得之有命故孔子所至之邦必聞其政而子貢以謂非夫子之求之也豈不求之有道哉子曰道之將行也歟命也道之將廢也歟命也豈不得之有命哉令向知出此安於行止以彼其志能擇其所學以盡乎精微則其所至未可量也是以孔子稱古之學者爲已孟子稱君子欲其自得之自得之則取諸左右逢其原豈汲汲於外哉向之得失如此亦學者之戒也故見之叙論令讀其書自有知考而擇之也然回數困於謔而不改其操與夫患失之者異矣可謂有志者也

諸葛武侯羅靖侯劉傳序

王臺王公

東漢之末群雄並起曹操挾天子以今天下而志在篡奪名雖爲強王室其實弱之此固不足與圖霸業之功其餘跨州連郡

亦皆有割據之心有能之士馳騫而奮惟有道者觀漢室之亡
傾知天命之不復時不可爲則退而窮處如孔明高卧南陽豈
復有志於當世者哉其說到備跨有荆益結好孫權以成鼎足
之勢天下有變命一上將北向死洛身出秦川此特慮備三顧
之勤聊以成其志亦非謂漢室爲真可興也出師表言曰本布
衣躬耕南陽苟全性命於亂世不求聞達於諸侯先帝不以臣
卑鄙猥自枉屈三顧臣於草廬之中諮臣以當世之事由是感
激遂許先帝以駢馳此孔明誠言也後世論孔明者多異說或
以爲管晏或以爲伊臯王通謂其無死可以興禮樂崔浩則譏
其相備不能與曹氏爭天下可與趙佐偶皆非深知孔明者也
毛脩之云昔在蜀中聞長老言陳壽曾爲孔明門下書佐被捷
百下壽挾私恨妄論孔明應變將略非其所長大抵蜀人歌思
孔明雖遠不忘疑壽短之過爲毀罵今子思先生亦何哉浩
論壽有古良史之風其所著述文義典正皆揚于王庭之言微

而顯姓而成章班史以來無及壽者浩之論壽是也其論孔明
非也壽爲孔明傳載其南征則自春出師其秋悉平祁山之役
稱其戎陣整齊賞罰肅而號令明其末言其推演兵作八陣
圖咸得其要孔明之善用兵應變將略盡於此矣孔明等奏使
壽定孔明故事壽奏亮才於治或爲長奇謀爲短理之幹優
於於略而所與對敵或值人傑故連年動衆未能有其至於傳
贊略申言之壽明爲晉諱也孔子作春秋定哀多微辭壽何嘗
云至龐士元傳不載其答顧劭語有論帝王之秘策攬倚伏之
要最吾似有一日之長者壽亦有說士元固奇士先主待之亞
於孔明然至於論帝王之秘策則似一時之語觀其造說執劉
璋於會中帝王秘策殆不如此豈先生欲借士元之語以發其
微言耶先生賞之伯父也什加王達觀刊先生所著三傳以與
學者共之賞嘗折衷其說如此錄以示達觀使并刊之以附二
傳之末云

晉鑒序

灌園先生

臣竊謂三代而下災變禍亂至春秋時極矣而孔子以春秋立治法其故何也蓋曰並三代之治而反行之此春秋之亂也鑒春秋之亂而反行之則万世之治也治亂反掌之間耳然惟陛下以緝熙光明之學興義撥亂興自江畿恢復大業順考春秋之意則東晉今日之鑒也夫東晉之亂制命不出江畿者一百一十有六年胖視駭伏卒不能復中原尺寸地後世學者乃歸咎於地形之隘歸罪於兵力之弱是知末而不知本也東晉之弊六一曰偷朝夕之安而乏遠圖二曰檢蕭牆之變而忘外侮三曰苟一戰之勝而無定謀四曰徇清虛之學而寡實用五曰殺伐自擅而威柄下移六曰恩施不行而人心內喪六者苟有一焉亂之基也萃而有之乃責治亂於地形兵力之強弱抑末矣觀公弊之由然乃在人君之心術故曰取天下視人君之志而已使東晉之君常曰中原祖宗之業也吾宗廟之居在焉

而不復是不孝也吾社稷之辱在焉而不取是不武也正一念之誠為萬天之勇指顧而天下定矣晉不是為也其君曰博養時晦其言曰治在息民上下逸豫以苟歲月晉不能取中原非勢也志也今日之治一言而足矣曰監東晉之弊而友行之探本推原在陛下之志而已作晉監

南齊書序

南豐先生

南齊書八紀十一志四十列傳合五十九篇宋蕭子顯撰始江淹已為十志沈約又為齊紀而子顯白表武帝別為此書曰等因校正其訛謬而叙其篇目曰將以是非得失興壞理亂之故而為法戒則必得其所託而後能傳於久此史之所以作也然而所託不得其人則或失其意或亂其實或析理之不通或設辭之不善故雖有殊功懿德非常之迹網聞而不章鬱而不發而精机尚璜璣回凶匿之形可幸而掩也豈試論之方之所謂良史者其明必足以周萬事之理其道必足以適天下之用其

智必足以通難知之意其文必足以發難顯之情然後其任可得而稱也何以知其然邪昔者唐虞有神明之性有微妙之德使由之者不能知能知之者不能名以為治天下之本號令之所布法度之所設其言至約其辭至備以為治天下之具而為二典者推而明之所記者豈獨其迹邪并與其深微之意而傳之小大精粗無不盡也本末先後無不白也使誦其說者如出乎其時求其指者如即乎其人是可不謂明足以周萬事之理道足以適天下之用智足以通難知之意文足以發難顯之情者乎則方是之時豈特任政者皆天下之士哉蓋執簡操筆而隨者亦皆聖人之徒也兩漢以來為史者去之遠矣司馬遷從五帝三王既歿數千載之後秦火之餘因散絕殘脫之經以及傳註百家之說區區掇拾以集著其善惡之迹而發之端又創已意以為本紀世家八書列傳之文斯亦曰謂奇矣然其散害天下之聖法是非顛倒而采摭謬亂者亦豈少哉是豈可不謂

明不足以周萬事之理道不足以適天下之用智不足以通難
知之意文不足以發難顯之情者豈夫自三代以後為史者如
遷之文亦不可不謂雋偉拔出之材非常之士也然顧以謂不
足以發難顯之情者何哉蓋聖賢之高致遷固有不能純達其
情而見之於後者故不得而與之也遷之得失如此況其他邪
至於宋齊梁陳後魏後周之書蓋無以議為也子顯之於斯文
喜自馳騁其更政破析刻雕藻績之變尤多而其文益下豈夫
材固不可以強而有邪數世之史既然故其辭迹曖昧雖有遺
世以就功名之君相與合謀之臣未有赫然得傾動天下之且
目播天下之口者也而一時偷奪傾危悖理反義之人亦幸而
不累著於世豈非所託不得其人故邪可不惜哉蓋史者所以
明天治天下之道也故為之者亦必天下之材然後其任可得
而稱也豈可忽哉豈可忽哉

梁書六本紀五十列傳合五十九篇唐正觀三年詔右散騎常侍姚思廉撰思廉省梁史官集之子推其父意又頗采諸儒謝吳等所記以成此書臣等既校正其文字又集次爲目錄一篇而叙之曰自先王之道不明百家並起佛最晚出爲中國之患而在梁爲尤甚故不得不論也蓋佛之徒自以謂吾之所傳者內而世之論佛者外也故不可訕雖然彼惡覩聖人之內哉書曰思曰睿睿作聖蓋思者所以致其知也能致其知者察三才之道辨万物之理小大精粗無不盡也此之謂窮理知之至也知至矣則在我者之足貴在彼者之不足玩未有不能明之者也有知之之明而不能好之未可也故加之誠心以好之有好之之心而不能樂之未可也故加之至意以樂之能樂之則能安之矣如是則万物之外至者安能累我哉万物之所不能累故吾之所以盡其性也能盡其性則誠矣誠者成也不惑也旣誠矣必克之使可大焉斷大矣必推之使可化焉能化矣則

含知之民肖翹之物有待於我者莫不由之以全其性盡其宜而吾之用與天地參矣德如此其至也而應乎外者未嘗不與人同此吾之道所以爲天下之通道也故與之爲衣冠飲食冠婚喪祭之具而由之以教其爲君臣父子兄弟夫婦者莫不一出乎人情與之同其吉凶而防其憂患者莫不一出乎人理故與之處而安且治之所集也危且亂之所去也與之處者其具如此使之化者其德如彼可不謂聖矣乎旣聖矣則無思也其至者循理而已無爲也其動者應物而已是以覆露乎万物鼓舞乎群聚而未有能測之者也可不謂神矣乎神也者至妙而不息者也此聖人之内也聖人者道之極也佛之談其有以易此乎求其有以易此者故其所以爲失也夫得於内者未有不可行於外也有不可行於外者斯不得於内矣易曰知周乎万物而道濟乎天下故不過此聖人所以兩得之也知足以知一偏而不足以盡万物之理道足以爲一方而不足以適天下之

用此百家所以兩失之也佛之失其不以止乎則佛之徒自以謂得諸內者亦可謂妄矣臣等故因梁之事而爲著聖人之所以得及佛之所以失使佛之徒知臣等所以距之者非外而有志於內者知不以此而易彼也

陳書序

同前

陳書六本紀三十列傳凡三十六篇唐散騎常侍姚思廉撰始思廉父察梁陳之史官也錄二代之事未就而陳亡隋文帝見察甚重之每就察訪梁陳故事察因以所論載每一篇成輒奏之而文帝亦遣虞世基就察求其書文未就而察死察之將死屬思廉以繼其業唐興武德五年高祖以自魏以來二百餘歲世統數更史事放逸乃詔論次而思廉遂受詔爲陳書久之猶不就貞觀三年遂詔論撰然書省十年正月壬子始上之觀察等之爲此書歷三世傳父子更數十歲而後乃成蓋其難如此然及其既成與宋魏梁齊等書並示傳之者少故學者於其

行事之迹亦罕得而詳也而其書亦以罕傳則自祕府所藏往往脫誤嘉祐六年八月始詔校讎使可鏤板行之天下而巨等言梁陳等書缺獨館閣所藏恐不足以定著願詔京師及州縣藏書之家使悉上之先皇帝爲下其事至七年冬稍稍始集臣等以相校至八年七月陳書三十六篇者始校定可傳之學者亦不敢損益特各疏千篇蓋其書舊無自列傳名氏多闕謬因別爲目錄一篇使覽者得詳焉夫陳之爲陳蓋偷爲一切之計非有先王經紀禮義風化之美制治之法可章示後世然而兼權尚計明於任使恭儉愛人則其始之所以興惑於邪臣溺於嬖妾忘患縱欲則其終之所以亡興亡之端莫非自已致者至於有所因造以爲號令威刑職官州郡之制雖其事已淺然亦各施於一時皆學者之不可不考也而當時之士自爭奪詐僞苟得偷合之徒尚不列以爲世戒而況於壞亂之中書皇之際士之安貧樂義取舍去就不爲患禍勢利動其心者亦不絕於

其間若此人者可謂篤於害矣蓋古人之所思見而不可得風
雨之詩所爲作者也安可使之泯泯不少概見於天下哉則陳
之史其可廢乎蓋此書成之既難其後又久不顯及宋興已百
年古文遺事靡不畢講而始得盛行於天下列於學者其裨益
之難反如此豈非遭遇固自有時也哉

唐鑑序

徂徠先生

夫前車覆後車戒前事之失後事之鑑湯以桀爲鑑故不敢爲
桀之行而湯德克明隆祀六百周以紂爲鑑故不敢爲紂之惡
而周道至盛傳世三十漢以秦爲鑑故不敢爲秦之無道而漢
業甚茂延洪四百年唐以隋爲鑑故不敢爲隋之暴亂而唐室
攸久永光十八葉國家雖承五代之後實接唐之緒則國家亦
當以唐爲鑑臣逖覽往昔靡不以女右預事而喪國家者臣觀
唐最甚矣武成變唐爲周韋庶人安樂公主醜殺中宗太平公
主僭謀逆亂楊貴妃召天寶之禍臣歷觀前世鮮不以閹官用

權而傾社稷者臣視唐尤傷矣代宗遭輔國之侮蔑憲宗被陳
慶之弑逆昭宗爲季述之囚辱臣鈔尋歷代無不以蔽臣專政
而亂天下者臣視唐至極矣祿山之禍則林甫國忠爲之也朱
泚之亂則壻杞爲之也陳慶之弑則皇甫鎛爲之也嗚呼蔽臣
不可使專政女后不可使預事官官不可使任權明皇始用姚
崇宋璟則治終用林甫國忠則亂德宗始用崔祐甫陸贄則治
終用皇甫鎛則亂自武后奪國迄于中睿暨天寶末年政由女
后而李氏幾喪自肅宗踐位歷于代宗德宗順宗憲穆文宗武
宣僖昭權在中官而唐祚終去詩曰赫赫宗周褒姒滅之然則
魏魏鉅唐女后亂之蔽臣壞之官官覆之臣故採摭唐史中女
后官官蔽臣事迹各類集作三卷謂之唐鑑噫唐十八帝惟武
德正觀開元元和百數十年禮樂征伐自天子出女后亂之於
前蔽臣亂之於中官官覆之於後顛側崎危綿綿延延傾年
安若續若繼踵能至於三百年何足言之後之爲國者鑑李氏

之覆車勿專政於女后勿假權於中官勿委任於姦臣則國祚
延洪歷世長遠當傳于子傳于孫可至千万世豈止觀觀十八
帝局促三百年者哉伏惟明主戒之

唐鑑序

范太史

承議郎著作佐郎臣祖禹受詔與臣光脩資治通鑑臣祖禹分
職唐史得以考其興廢治亂之所由昔隋氏窮兵暴斂害虐生
民其民不忍共起而亡之唐高祖以一旅之衆取關中不半歲
而有天下其成功如此之速者因隋大壞故也以治易亂以寬
易暴天下之人歸往而安息之方其君明臣忠外包四荒下遂
萬物此其所由興也及其子孫忘前人之勤勞天厭於上人雖
於下宇內圯裂尺地不保此其所由廢也其治未嘗不由君子
其亂未嘗不由小人皆布在方策顯不可掩然則今所宜監莫
近於唐書曰我不可不監於有夏亦不可不監於有商臣謹采
唐得失之迹書惡之効上起高祖下終昭宣凡三百六篇爲十

三卷名曰唐鑑唐之事雖不能遍舉而其大略可觀矣元祐元年二月日謹上

唐史記要論序

孫待制

古之史尚書春秋是也二經體不同而意同尚書記治世之事作教之書也故百篇皆由聖賢人立不以惡事名雖桀紂之惡亦因湯武之事而見不特書也但聖賢人順時通變言與事各有所宜爲史者從而記之又經聖人所定典謨訓誥誓命之文辨雖不一皆足以作教於世也春秋記亂世之事立法之書也聖人出於季世觀時之亂居下而不能治故立大中之法裁判天下善惡而明之以三制是聖人於衰亂之時起至治之法非謹其文則不能正時事而垂大典矣此尚書春秋之弊所以不同也然尚書記治世之事使聖賢之所爲傳之不朽則爲君者爲臣者見爲善之效安得不悅而行之此勸之道也其間因見惡事致敗亂之端此又所以爲戒也春秋記亂世之事以褒貶

王者賞罰時之爲惡者多率辨其心迹而賤之使惡名不
爲君者爲目者見爲惡之效反得不懼而防之此戒之道也
間有善事者明其心迹而褒之使輝光於世此又所以爲勸也
是尚書春秋記治亂雖異其於勸戒則大旨同也後之爲史者
欲明治亂之本謹勸戒之道不師尚書春秋之意何以爲法至
司馬遷修史記破編年牀例爲紀傳蓋務便於記事也記事便
則所取博博故奇異細碎之事皆載焉雖賈矣然書才力雄俊
於治亂之本勸戒之道則雜亂而不明矣然其議者短之謂紀
傳所記一事分爲數處前後屢出以於編年則繁此固所失
不細殊不知又有失之大者夫史之所記莫大乎治亂君令於
上臣行於下臣謀於前君納於後事臧則成否則敗成則治之
本敗則亂之由此當謹記之某年君臣有謀議將相有功勳紀
多不書必俟其臣死而脩載於傳中是人臣得專有謀議功勳
也尚書雖不謹編年之法君臣之事年代有序義和之業固載

於堯曲稷契皋夔之功載於舜典三代君臣之事亦猶是焉
以人臣諱議功勳與其家行細事雜載於傳其軼便乎復有邪
使過惡之事以召危亂不於當年書之以爲深戒豈非失之大
者或曰春秋雖編年經自其事傳載本末遷立紀傳不約是体
故劉鍊史例曰傳所以釋紀猶春秋之傳焉此可見遷書之不
失也答曰春秋聖人立法之書也立法故目其事而斷之以明
治亂之本所目之事或一句或數句國之典制罔不明人之善
惡罔不辨左氏史官也見聖人之經所目之事遂從而傳之雖
不能深釋聖人之法記事次序一用編年之体編年之体未必
春秋經傳獨爲之其舊史如是乎遷之爲紀也周而上多載經
典之事固元所發明至秦漢紀並直書其事何嘗有法紀无法
傳何釋焉此乃鍊附託而爲之辭也或曰史之体必尚編年紀
傳不可爲乎答曰爲史者實尚紀傳久矣歷代以爲大典必論
之以復古則謂之記矣有能編列君臣之事善惡得實不尚辟

怪不務煩解明治亂之本謹勸戒之道雖爲紀傳亦可矣必論
其至則不若編年牀正而文簡也甫常有志於史竊慕古史作
法欲爲之因讀唐之諸書見太宗功德法制與三代聖王並後
之帝英明不迫又或不能守其法仍有荒縱狼戾庸懦之君故
治少而亂多然有天下三百年焉而正觀功德之遠也唐書繁
冗遺略多失牀法事或大而不具或小而悉記或一事別出而
意不相照怪異根俗无所不有治亂之迹散於紀傳中雜而不
顯此固不足以彰明正觀功德法制之本一代興衰之由也觀
高祖至玄宗實錄叙事詳備差勝於書其間文理明白者尤勝
焉至治亂之本亦未之明記事務廣也勸戒之道亦未之著惡
果不精也爲史之牀亦未之具爲編年之書君臣之事多離而
書之也又要切之事或有遺略君臣善惡之細四方事務之煩
者或備書之此於爲史之道亦其失矣遂據實錄與書兼采諸
家著錄參驗不差足以傳信者修唐史記舊史之文繁者刪之

失去就者改之意不足而有他證者補之事之不要者去之要而遺者增之是非不明者正之用編年之辭所以次序君臣之事而書之法然宗二經之意其辭略與實錄相類者以唐之一代有定有亂不可全法尚書或春秋之辭又不敢僭作經之名也或曰予之修是書不尚紀傳之辭可矣不為書志則郊廟社稷律曆災祥之事官職刑法食貨州郡之制得元遺年答曰郊廟而下固國之目典急務但記其大要以明法度政教之辭其備儀細文則有司之事各有書存為史者難乎其載也自康定元年修是書至皇祐四年草具遂作序述其意